

U dvije odvojene akcije slobode lišena četiri lica, pronađena droga, falsifikovani dokumenti, oružje i municija

Policijski službenici Federalne uprave policije su u prethodnim danima, na području Kantona Sarajevo, pod nadzorom Kantonalnog tužilaštva Kantona Sarajevo, realizovali dvije odvojene operativne aktivnosti usmjerene na dokumentovanje krivičnih djela iz oblasti zloupotrebe opojnih droga, kojom prilikom su slobode lišena ukupno četiri lica.

Predmet „Urgent“

Policijski službenici Federalne uprave policije su na području Kantona Sarajevo, pod nadzorom Kantonalnog tužilaštva Kantona Sarajevo, a u okviru predmeta kodnog naziva „URGENT“, realizovali Naredbu Općinskog suda u Sarajevu, te tom prilikom izvršili lišenje slobode dva lica, inicijala S.A. (1982.) i S.DŽ. (1985.).

Navedena lica se sumnjiče za počinjenje krivičnog djela „Neovlaštena proizvodnja i stavljanje u promet opojnih droga“ iz člana 238. stav 1. Krivičnog zakona Federacije Bosne i Hercegovine.

Prilikom realizacije Naredbe kod navedenih lica pronađena je određena količina NN materija koje svojim izgledom asociraju na opojne droge Cannabis, Amfetamin i Ecstasy, kao i određena količina municije NN kalibra.

Lica lišena slobode su kriminalistički obrađena u službenim prostorijama Federalne uprave policije, te će protiv istih biti poduzete zakonom propisane mjere i radnje.

ZADNJE VIJESTI

U dvije odvojene akcije slobode lišena četiri lica, pronađena droga, falsifikovani dokumenti, oružje i municija


Odluka o izboru najpovoljnijeg ponuđača u predmetu javne nabavke „Sukcesivna nabavka i isporuka auto guma zimskih i ljetnih LOT 4 – motocikl i četverocikl

Odluka o poništenju postupka javne nabavke „Sukcesivna nabavka i isporuka auto guma zimskih i ljetnih Lot 3 – BOV

KALENDAR

May 2026						
M	T	W	T	F	S	S
				1	2	3
4	5	6	7	8	9	10
11	12	13	14	15	16	17
18	19	20	21	22	23	24
25	26	27	28	29	30	31

« Apr



OTA „Giulia“

Također, policijski službenici Federalne uprave policije, Sektora kriminalističke policije, Odjeljenja za borbu protiv zloupotreba droga, su na području Kantona Sarajevo, pod nadzorom Kantonalnog tužilaštva Kantona Sarajevo, realizovali Naredbu Općinskog suda u Sarajevu u okviru operativne akcije kodnog naziva „Giulia“, te tom prilikom izvršili lišenje slobode dva lica.

Navedena lica se sumnjiče za počinjenje krivičnih djela „Neovlaštena proizvodnja i stavljanje u promet opojnih droga“ iz člana 238., „Krivotvorenje isprave“ iz člana 373. i „Napad na službenu osobu u vršenju poslova sigurnosti“ iz člana 359. Krivičnog zakona Federacije Bosne i Hercegovine.

Prilikom realizacije Naredbe navedena lica su pružala otpor policijskim službenicima u vršenju službenih poslova i zadataka, te su upotrebom putničkog motornog vozila nanijela materijalnu štetu na službenom vozilu Federalne uprave policije.

Izvršen je pretres osoba, stana i vozila, kojom prilikom je pronađeno i oduzeto oko 350 grama NN materije koja svojim izgledom asocira na opojnu drogu Heroin, falsifikovani dokument Republike Hrvatske, vage za precizno vaganje, pribor za pakovanje, veći broj mobilnih telefonskih aparata, pištolj, municija, kao i drugi predmeti koji se mogu dovesti u vezu s izvršenjem navedenih krivičnih djela.

Lica lišena slobode su radi kriminalističke obrade sprovedena u službene prostorije Federalne uprave policije, te će protiv istih biti podnesen Izvještaj o počinjenim krivičnim djelima nadležnom Tužilaštvu.

Podršku Federalnoj upravi policije pri realizaciji navedenih aktivnosti pružili su policijski službenici Ministarstva unutrašnjih poslova Kantona Sarajevo.

